

## KADWALADR (CADWALADER), SION, JOHN, SIONYN; baledwr ac anterliwtiwr a gyfansoddai yn nechrau hanner olaf y 18fed ganrif

**Enw:** Sion Kadwaladr

**Rhyw:** Gwryw

**Galwedigaeth:** baledwr ac anterliwtiwr

**Maes gweithgaredd:** Cerddoriaeth; Perfformio; Barddoniaeth

**Awdur:** Gruffydd Glyn Evans

O blwyf Llanycil, ger y Bala, yr oedd yn ôl 'Ioan Pedr' (NLW MS 2629C). Disgrifia ei hun (yn ei anterliwt *Gaulove*, 125) fel 'dynan go brydd heb chwaer na brawd, anystwyth dlawd yn wastad.' Tystiolaethir mewn baled ganddo (*Bibliography of Welsh Ballads*, No. 73) ac yn ei anterliwt *Einion*, ac mewn marwnad iddo (yn NLW MS 2629C) iddo ddiodeff ei dransportio i'r America am saith mlynedd. Yn ôl 'Ioan Pedr' ei drosedd ydoedd lladrata hanner coron. Ymddengys mai ar ei ddychweliad y cyfansoddodd ei anterliwtiau. (1) *Einion a Gwenllïan* (NLW MS 552B); ni raid derbyn yr awgrym mai ar y cyd â Huw Jones o Langwm y'i hysgrifennwyd. Cynigir tua 1756 fel dyddiad cyfansoddi. (2) *Gaulove a Clarinda*; cyfansoddwyd rhwng 1756 a 1762 (Cwrwmawr MS 39B). (3) *Y Brenin Dafydd a Gwraig Urias*; cyfansoddwyd gyda Huw Jones o Langwm ac argraffwyd yng Nghaer tua 1765. Ei nodweddion fel anterliwtiwr yw bywiogrwydd ei olygfeydd a'i ysmaldod miniog. Nid yr un yw â'r John Cadwaladr y ceir dwy faled o'i waith yn *Beirdd y Berwyn* ('*Cyfres y Fil*').

### Awdur

Gruffydd Glyn Evans

### Ffynonellau

G. G. Evans, 'Yr Anterliwd Gymraeg' (traethawd Prifysgol Cymru, 1938)

### Darllen Pellach

Erthygl Wicipedia: *Siôn Cadwaladr*

### Dolenni Ychwanegol

Wikidata: Q18535489

**Dyddiad cyhoeddi:** 1953

**Hawlfraint Erthygl:** <http://rightsstatements.org/page/InC/1.0/>

PDF Argraffu Cyfeirnod

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchfeyrdiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

Grannu

Arddull APA

x

Evans, G. G., (1953). KADWALADR (CADWALADER), SION, JOHN, SIONYN; baledwr ac anterliwtiwr a gyfansoddai yn nechrau hanner olaf y 18fed ganrif. Y *Bywgraffiadur Cymreig*. Adferwyd 20 Tac 2024, o <https://bywgraffiadur.cymru/article/c-KADW-SIO-1750>

Grannu

Preifatrwydd a Chwcis  
Hawlfraint  
Y Prosiect  
Cymorth  
Cysylltu

LGC  
NLW

LLYFRGEL  
THE NATION



Ysgrifeddiadau  
Llywodraeth Cymru  
Copied by  
Welsh Government